


11.3/8 2-2
355515

文學博士瀧川龜太郎著

史記會注考證



20371

東方文化學院東京研究所藏版

昭和九年三月廿五日印刷
昭和九年三月廿八日發行

史記會註考證

定價 全十冊 金參拾八圓
各冊 金參圓八拾錢

著者 瀧川 龜太郎

發行所 東京市豐島區西巣鴨二丁目二十四百七十一番地
多田 寅松

印刷所 東京市神田區神保町一丁目三十四番地
高田 壬午郎

印刷所 東京市神田區神保町一丁目三十四番地
株式會社 開明堂東京支店

東京市小石川區大塚町五十六番十五號

發行所 東方文化學院東京研究所

史記會注考證卷二十八

漢 太 史 令 司 馬 遷 撰

宋 中 郎 外 兵 曹 參 軍 裴 駰 集 解

唐 國 子 博 士 弘 文 館 學 士 司 馬 貞 索 隱

唐 諸 王 侍 讀 率 府 長 史 張 守 節 正 義

日 本 出 雲 瀧 川 資 言 考 證

封禪書第六

史記二十八

正義 此泰山上築土爲壇以祭天報天之功故曰封泰山下小山上除地報地之功故曰禪言禪者神之也白虎通云或曰封者金泥銀繩或曰石泥金繩封之印璽也五

經通義云、易姓而王致太平、必封泰山、禪梁父、荷天命以爲王、使理羣生、告太平於天、報羣神之功、**史公**自序云、受命而王、封禪之符、罕用、用則萬靈罔不禪祀、追本諸神名山大川禮、作封禪書、第六、梁玉繩曰、三代以前無封禪、乃燕齊方士所僞造、昉于秦始、侈于漢武、此書先雜引鬼神之事、比類見義、遂因其傳會、備錄于篇、政以著其妄、用意微矣、惟牽引郊社巡狩諸典禮、未免贖經馬端臨云、西漢郊祀襲秦制、而難以方士之說、曰太乙、曰五帝、讖雜而祀之、皆謂之郊、**天史公**所序者、秦漢不經之祠、而以舜類上帝、三代郊祀之禮、先之、至孟堅直名郊祀志、于是以祀六帝爲郊、自遷固以來、議論相襲、而然已、或問封禪雖禮經不載、然管子莊子韓詩外傳皆言之、路史前紀六、九謂封禪乃易姓告代之大禮、一姓惟一行、本袁宏後漢紀續後書祭祀志、豈俱不足信歟、曰管子雜篇多後人附竄、非其本書、而管莊于諸子中最顯、因竄焉、故封禪篇管仲諫桓公語、與此書無異、蓋作僞者造爲成文、**史全錄**之爾、**梁許懋**封禪議、謂管仲設言以屈桓公、又取夷吾所記七十二君、細數而辨駁之、得毋錯認爲真乎、**韓嬰**生當其時、更無足怪、託諸孔氏、其誕益明、**袁宏**諸人之說、竝無據、**洪邁**曰、東坡作趙德麟字說云、漢武帝獲白麟、託司馬遷班固書曰、獲一角獸、蓋麟云、蓋之爲言、疑之也、予觀**史漢**所記事、或曰若、或曰云、或曰焉、或曰蓋、其語舒緩含深意、始以封禪書郊祀志考之、漫記于此、**雍州**好時、自古諸神祠皆聚云、蓋黃帝時嘗用事、雖晚周亦郊焉、三神山蓋嘗有至者、諸僊人及不死之藥皆在焉、未能至、望見之焉、**新垣平**望氣言有神氣成五采、若人冠纓焉、權火舉而祠、若光輝然、屬天焉、出長安門、若見五人於道北、蓋夜致王夫、人之貌云、天子自帷中望見焉、登中嶽太室、從官在山下、聞若言、萬歲云、祭封禪祠、其夜若有光、封禪大詔、天若遺朕土而大通焉、河東迎鼎、有黃雲蓋焉、見神人東萊山、若

云欲見天子方止言蓬萊諸神若將可得天子爲塞河與通天臺若見有光云獲若石于陳倉此外如所謂及羣臣有言老父則大以爲僞人也可爲觀如緱城神人宜可致天旱意乾封乎然其效可睹矣詞旨亦相似凌稚隆曰按此書直書其事而其失自見有諷意無貶辭可爲作史紀時事者之法又曰此書以命字德字符瑞字爲關鍵又連用蓋字若字云字焉字矣字皆極有意又曰書中多用皆字如字各字俱省文也

自古受命帝王曷嘗不封禪

考證

楊慎曰與後所引管仲對齊桓公曰七十二君皆受命然後得封禪相應方苞曰

言特不以爲不死之術也

蓋有無其應而用事者矣

考證

楊慎曰與後所論秦始皇云豈所謂無其德而用其事者邪

相應未有睹符瑞見而不臻乎泰山者也

考證符瑞如黃龍寶鼎相應

雖

受命而功不至至梁父矣而德不洽洽矣而日有不暇給是

以卽事用希

考證

梁父二字衍數句與下文文王受命政不及秦山武王克殷天下未寧而崩周德之洽維成王相應

傳曰三

年不爲禮禮必廢三年不爲樂樂必壞每世之隆則封禪答焉及衰而息厥曠遠者千有餘載近者數百載故其儀闕然

堙滅其詳不可得而記聞云。

考論傳曰論語陽貨篇引宰我言廢作壞壞作崩廢壞韻數句與下文上與公卿諸生

議封禪封禪用希曠絕莫知其儀相應

尚書曰舜在璇璣玉衡以齊七政遂類于上

帝禋于六宗望山川徧羣神輯五瑞擇吉日見四嶽諸牧

還瑞

集解徐廣曰還一作班考論五帝本紀望下徧下有字徧作辯輯作揖還作班

歲二月東巡狩至于岱

宗岱宗泰山也

正義括地志云泰山一曰岱宗東岳也在兗州博城縣西北三十里周禮云兗州鎮曰岱宗考論岱宗泰山也史公釋書文將

敘泰山封禪事不可無此注下文衡山也華山也柴望秩于山川遂觀東后

東后者諸侯也

考論五帝本紀柴作紫觀作見徐孚遠曰上古封禪無明文以尚書所載柴岱宗之事當之雖非定然其於諸說較近故先敘舜

事後及黃帝凌雅隆曰是言巡狩以附會封禪之始中井積德曰舜之柴望只是祭山川而已猶旅之類與後世封禪迥然異科合時月正日同

律度量衡修五禮五玉三帛二生一死贊五月巡狩至南嶽

南嶽衡山也

正義括地志云衡山一名岿嶠山在衡州湘潭縣西四十里

八月巡狩至西嶽西嶽

華山也。

正義括地志云華山在華州華陰縣南八里古文以爲敦物周禮云豫州鎮曰華山

十一月巡狩至北嶽。

北嶽恆山也。

正義括地志云恆山在定州恆陽縣西北百四十里周禮云并州鎮曰恆山

皆

如岱宗之禮中嶽嵩高也。

索隱獨不言至者蓋以天子所都也正義括地志云嵩山亦名曰太室亦名曰外方也在洛州

陽城縣西北二十三里

考論尚書五帝本紀竝無中嶽事

中嶽附記耳非巡狩所至索隱非也

史公補修今

禹遵之。

考論凌稚隆曰大禹歷盡山川有事山岳而太史公止括之以一言曰禹遵之短長各有其度類如此

後十

四世至帝孔甲淫德好神神瀆二龍去之。

梁隱如淳按國語二龍

語鄭語徐孚遠曰孔甲之事不爲封禪也蓋祀神所自始矣後乃雜叙焉漢書郊祀志十四世作十三世張文虎曰三代世表自禹訖孔甲共十四世

其後三

世湯伐桀欲遷夏社不可作夏社。

考論湯伐桀以下采尚書夏社序顏師古曰夏社尚書篇名今則序在

而書

後八世至帝太戊有桑穀生於廷一暮大拱懼伊陟曰

妖不勝德。

集解徐廣曰陟古作敕

太戊修德桑穀死伊陟贊巫咸巫咸之

興自此始。

案尚書巫咸殷臣名伊陟贊告巫咸今此云巫咸之興自此始則以巫咸爲巫覡然楚詞亦以巫咸主神蓋太史公以巫咸是殷臣以

巫接神事太戊使禳桑穀之災所以伊陟贊巫咸故云巫咸之興自此始也
考桑穀生廷呂覽制樂篇韓詩外傳爲湯時說苑敬慎篇爲武丁時史記據書序愚按下咸字疑衍或云當作覡或云當作祝當時巫家假巫咸爲說史公下文欲言神巫事故著此語
後十四世帝武丁得傳說爲

相殷復興焉稱高宗有雉登鼎耳雒。

集解徐廣曰一作鵠音嬌

武丁懼祖己

曰修德武丁從之位以永寧。

考說以上采尚書高宗彤日篇及序凌稚隆曰此言禮祥以附符瑞之始

後

五世帝武乙慢神而震死。

案謂武乙射天後獵於河渭而震死也

後三世帝紂淫亂

武王伐之。

考說尚書微子篇云今殷民乃攘竊神祇之犧牷牲用墨子非命篇引太誓云紂夷之居不肖事上帝棄國其先神而不祀也是紂亦慢神

由此觀之始未嘗不肅祇後稍怠慢也。

考說田汝成曰與功臣表始未嘗不欲固其根本

而枝葉稍陵夷衰微也同一句法

周官曰冬至祀天於南郊迎長日之至夏日

至祭地祇皆用樂舞而神乃可得而禮也。

考說漢書郊祀志刪周官曰以下三十一字愚按

周官卽周禮周禮春官大司樂云凡樂圖鍾爲宮黃鍾爲角大簇爲徵姑洗爲羽蕭鼓雷
鼗孤竹之管雲和之琴瑟雲門之舞冬日至於地上之圖丘奏之若樂六變則天神皆降
可得而禮矣凡樂函鍾爲宮大簇爲角姑洗爲徵南呂爲羽靈鼓鼗瑟孫竹之管空桑之
琴瑟咸池之舞夏日至於澤中之方丘奏之若樂八變則地示皆出可得而禮矣史公蓋
約是

天子祭天下名山大川

考證取禮記王制文顏師古曰讀者發源而注海者也視謂其禮物之數也

四瀆者江河

淮濟也

考證五嶽見上故不釋

天子曰明堂辟雍

集解韋昭曰水外四周圓如辟雍蓋以節觀者也

諸

侯曰泮宮

集解張晏曰制度半於天子之辟雍集解按服虔云天子水匝爲辟雍諸侯水不匝至半爲泮宮禮統又云半有水半有宮是也考證

禮記王制無明堂二字泮作類鄭玄曰辟明也雍和也所以明和天下類之言班也所以班政教也中井積德曰辟雍泮宮元是離宮別館已漢儒以爲學宮也蓋起于緯書之妄

周公既相成王郊祀后稷以配天

集解王肅曰配天於南郊祀之

宗祀文王於

明堂以配上帝

集解鄭玄曰上帝者天之別名也神無二主故異其處避后稷也

自禹興而修社祀后

稷稼穡故有稷祠郊社所從來尙矣自周克殷後十四世世

益衰、禮樂廢、諸侯恣行。而幽王爲犬戎所敗。

集解徐廣曰：犬，一作映。考證張文虎

曰：三代世表：武王至幽王十二世。

周東徙額邑。秦襄公攻戎救周。始列爲諸侯。

正義秦襄公，周平王元年封也。考證徐平遠曰：神靈之祠，多秦所興，故敘周室東遷以啓其事。秦襄公既侯居西垂。正義漢隴

西郡西縣也。今在秦州上邽縣西南九十里也。考證中井積德曰：西垂猶西邊也。自以爲主少隳之神。作西時祠。

白帝。其牲用騂駒。

集解赤馬黑鬣曰騂也。考證沈欽韓曰：周禮正祭皆無用馬牲之事。大司馬職喪祭奉詔馬牲，稜人職凡將事於四

海山川則飾黃駒。古禮僅用之。沈幸祈禳或以盟誓。高帝刑白馬而盟。漢武帝幸瓠子決河，湛白馬鬣是也。至匈奴殺馬以祭天，戎狄皆然。則秦乃循西戎之俗也。黃牛

羝羊各一云。

集解詩傳云：羝，牡羊也。考證時蓋秦人語，凌稚隆曰：是作壇時之始。

其後十六年，秦文公

東獵汧渭之間，卜居之而吉。

集解按地理志：汧水出汧縣西北，入渭。正義皇甫謐云：文公徙都汧者也。正義括地

志云：郿縣故城在岐州郿縣東北十五里，卽此城也。考證漢志：十六年作十四年，據年表秦紀：襄公八年立西時，後八年，文公四年至汧渭之會，後又六年，文公十四年作酈時。

文公夢黃蛇自天下屬地，其口止於酈衍。

集解李奇曰：酈音孚，山阪曰衍。正義酈地名，後

爲縣屬馮翊衍者鄭衆注周禮云下平曰衍又李奇三輔記云三輔謂山阪閒爲衍也

文公問史敦敦曰此上帝之

徵君其祠之於是作廊時用三牲郊祭白帝焉自未作廊時

也而雍旁故有吳陽武時

集解李奇曰於旁有吳陽地考證王先謙曰吳陽吳山之陽吳山見下

雍東有

好時皆廢無祠或曰自古以雍州積高神明之隩故立時郊

上帝諸神祠皆聚云

考證顏師古曰土之可居者曰隩

蓋黃帝時嘗用事雖晚周

亦郊焉其語不經見縉紳者不道

集解李奇曰縉插也插笏於紳

大帶縉縉姚氏云縉當作摺鄭衆

注周禮云縉讀爲薦謂薦之於紳帶之間今按鄭意以縉爲薦則薦亦是進進而置於紳帶之間故史記亦多作薦字也

作廊時後九年文

公獲若石云于陳倉北阪城祠之

集解蘇林曰質如石也服虔曰在北或曰在陳倉北

如石似肺

正義

三秦記云太白山西有陳倉山山有石雞與山雞不別趙高燒山山雞飛去而石雞不去晨鳴山頭聲聞三里或言是玉雞括地志云陳倉山在今岐州陳倉縣

南又云寶雞神祠在漢陳倉縣故城中今陳倉縣東石雞在陳倉山上祠在陳倉城故言獲若石于陳倉北阪城祠之

考證

劉敞曰蓋於陳倉北阪上築城作祠祠之下文云集

於祠城其神或歲不至或歲數來來也常以夜光輝若流星從是也

東南來集于祠城則若雄雞其聲殷云

考證漢志雞作雉愚按聲如雄雞故野雞聞之和應也

作雉非是漢志重殷字愚按殷云云者其聲殷然也周本紀云其色赤共聲魄云魄云云者其聲魄然也與此同例殷字不必重

野雞夜雉

集解如淳

曰野雞雉也呂后名雉故曰野雞瓚曰殷聲也云足句之詞考證顧炎武曰野雞者野中之雞耳注拘於苟悅云諱雉之字曰野雞夫諱恆曰常諱啓曰開史固有言常言開者

豈必其皆爲恆與啓乎上文曰有雉登鼎耳雉下文云公孫卿言見仙人迹緱氏城上有物如雉往來城上又云縱遠方奇獸飛禽及白雉竝無所諱漢書地理志南陽郡有雉縣

江夏郡有下雉縣五行志王晉等上言雉者聽察先聞雷聲則漢時未嘗諱雉也

以一牢祠命曰陳寶

集解陳倉縣有寶

夫人祠或一歲二歲與葉君合葉君神來時天爲之殷殷雷鳴雉爲之雉也在長安正西五百里韋昭曰在陳倉縣寶而祠之故曰陳寶案列異傳云陳倉人得異物以獻

之道遇二童子云此名爲媚在地下食死人腦媚乃言云彼二童子名陳寶得雄者王得雌者伯乃逐童子化爲雉秦穆公大獵果獲其雌爲立祠祭有光雷電之聲雄止南陽有

赤光長十餘丈來入陳倉祠中所以代俗謂之寶夫人祠抑有由也葉縣名在南陽葉君卽雄雉之神故時與寶夫人神合也作鄜時後七十八

年秦德公既立卜居雍後子孫飲馬於河遂都雍雍之諸祠

自此興。用三百牢於鄜時。

案百當爲白。秦本紀：德公元年，以犧三百祠鄜時。今

雖奢侈祭郊，本特牲，不可用三百牢以祭天。蓋字誤耳。

作伏祠。

案服虔云：周時無伏，磔犬以禦災。秦始作之。漢舊儀云：伏者，萬鬼行日，故閉不干求也。故東觀漢記：和帝初，令伏閉晝日，是也。又厯忌釋曰：伏者，何？金氣伏藏之名。四時代

謝皆以相生，而春木代水，水生木也。夏火代木，木生火也。冬水代金，金生水也。至秋，則以金代火，金畏於火，故至庚日必伏。庚者，金日也。

漢舊儀：非也。當時未嘗有五行星尅之說。柯維騏曰：伏者，禳邪氣，使退伏。

磔狗邑四門，以禦蠱菑。

案左傳云：皿蟲爲

蠱，臺磔之鬼，亦爲蠱。故月令云：大獺旁磔，注云：磔，禳也。屬鬼爲蠱，將出害人。旁磔於四方之門，故此亦磔狗邑四門也。風俗通云：殺犬磔禳也。

德公立二

年卒。其後六年，秦宣公作密時於渭南，祭青帝。

案漢志：六年作四年，此誤。

其後十四年，秦繆公立。

案漢志：十四年作十三年，此誤。

病臥五日不寤。寤乃言。

夢見上帝。上帝命繆公平晉亂。史書而記藏之府。而後世皆

曰：秦繆公上天。

案梁玉繩曰：趙世家及扁鵲傳，備載此事。宋葉適習學記言曰：此醫師語也。遷載之燕妄甚矣。西京賦：有天帝饗穆公一段，即

上天之說明陶宗儀說郭載尙書中候言穆公出狩天大雷有火化白雀銜綠丹書集于車書言穆公之霸訖胡亥事尤爲詭異

秦繆公卽位九

年齊桓公旣霸會諸侯於葵丘

正義括地志云葵丘在曹州考城縣東南一里五十步郭內卽桓公所會處也

考證葵丘會在倍九年

而欲封禪

考證中井積德曰封禪之說蓋防於秦皇之時前此無有也所謂怪迂之徒所稱述耳齊桓之時豈有此等說管

子書多係僞撰焉足據哉愚按梁玉繩說同見上

管仲曰

案今管子書其封禪篇亡考證今本管子有封禪篇尹知章云元篇亡今以司馬遷

封禪書所載管子言以補之

古者封泰山禪梁父者七十二家

正義括地志云梁父山在兗州泗水縣

北八

而夷吾所記者十有二焉

正義韓詩外傳云孔子升泰山觀易姓而王可得而數者七十餘人不得而數者

萬數也案管仲所記自無懷氏以下十二家其六十家無紀錄也

昔無懷氏

案服虔曰古之王者在伏羲前見莊子

封泰山

禪云云

集解李奇曰云云山在梁父東案晉灼云山在蒙陰縣故城東北下有云云亭也正義括地志云云云山在兗州博城縣西南三十里也

處義封泰山禪云云神農封泰山禪云云炎帝封泰山禪云

云

案鄧展云神農後子孫亦稱炎帝而登封者律歷志黃帝與炎帝戰於阪泉豈黃帝與神農身戰乎皇甫謐云炎帝傳位八代也

黃帝封秦

山、禪亭亭。

集解徐廣曰：在鉅平，駟案服虔曰：亭亭山，在牟陰。正義括地志云：亭亭山在兗州鉅平北十餘里，服虔云在牟陰非也。

博城縣西南三十里也。

顓頊封泰山，禪云云。帝侖封泰山，禪云云。

子藝文類

聚借作疊。

堯封泰山，禪云云。舜封泰山，禪云云。禹封泰山，禪會

稽。

集解晉灼云：本名茅山，吳越春秋云：禹巡天下登茅山，羣臣乃大會計，更名茅山為會稽，亦曰苗山也。正義括地志云：會稽山一名衡山，在越州會稽縣東南一十

二里也。考證徐孚遠曰：以上帝王封泰山，禪不過其域，今禹乃禪會稽，其地遠不相應也，蓋以禹朝諸侯於是山，故假其說以實之。

湯封泰山，禪

云云。周成王封泰山，禪社首。

集解應劭曰：山名，在博縣，晉灼曰：在鉅平南十三里。

皆受命然

後得封禪。桓公曰：寡人北伐山戎，

集解服虔云：蓋今鮮卑是。

過孤竹，

正義括地

志云：孤竹故城，在平州盧龍縣南一十里，殷時孤竹國也。

西伐大夏，涉流沙，

考證中井積德曰：齊桓足跡不能踰秦而西矣，安能望

大夏流沙哉？斯言之妄，亦可以知矣。恐按漢志無大夏涉流沙五字。

東馬懸車，上卑耳之山。

集解韋昭曰：將上山，纏

束其馬，懸鉤其車也。卑耳，即齊語所謂辟耳。集解案山名，在河東大陽，卑讀如字也。齊語，即春秋外傳國語之書也。辟音僻，賈逵云：山險也。

南伐至召

陵

正義召音邵，括地志云：召陵故城在豫州郊，城縣東四十五里也。登熊耳山，以望江漢。

案荆州記：未陽

益湯二縣東北有熊耳，東西各一峯，狀如熊耳，因以爲名。齊桓公竝登之，或云弘農熊耳，下云望江漢，知非也。兵車之會三。

案左傳：莊十三年，會北杏，平宋亂，倍四年，侵蔡，遂伐楚。六年，伐鄭，圍新城，是也。而乘車之會六。

案正義：據左氏傳云：謂莊十三年，會北杏，平宋亂，倍四年，侵蔡，遂伐楚。六年，伐鄭，圍新城，是也。而乘車之會六。四年，會于鄆，十五年，又會鄆。

十六年，盟于幽，倍五年，會于首止，八年，盟于洮，九年，會葵丘也。考證齊世家：同國語，齊語：管子小匡亦有此語。莊二十七年，穀梁傳云：衣裳之會十一，兵車之會四，愚按春秋傳

桓公之會諸侯不止於此。九合諸侯，一匡天下。諸侯莫違我。昔三代受命，亦

何以異乎？於是管仲睹桓公不可窮以辭，因設之以事曰：古

之封禪，鄩上之黍，北里之禾，所以爲盛。

案正義：應劭曰：鄩，上山也。鄩，音騰。蘇林曰：鄩，上山也。北里，皆地

名。案正義：韋昭云：設以不可得之物。鄩，音霍，應劭云：光武改高邑曰鄩。姚氏云：鄩縣屬常山，一云鄩上山名。考證顏師古曰：盛，謂以實篋篋。

江淮之間

一茅三脊，所以爲藉也。

案正義：孟康曰：所謂靈茅也。顏師古曰：藉，以藉地也。

東海致比目

之魚。

案正義：韋昭曰：各有一目，不比不行，其名曰鰈。案正義：鰈，音荅。郭璞云：如牛脾，身薄細鱗，紫黑色，只一眼，兩片合乃得行。今江東呼爲王餘，亦曰版魚。

西

海致比翼之鳥

集解韋昭曰各有一翼不比不飛其名曰鷦鷯案山海經云崇吾之山有鳥狀如鳬一翼一目相得乃飛名云鷽郭璞注

爾雅亦作鷽鷽

然後物有不召而自至者十有五焉。今鳳皇麒麟不來

嘉穀不生而蓬蒿藜莠茂鷦鷯數至而欲封禪毋乃不可乎

於是桓公乃止

考題漢志數至作羣翔余有丁曰此所謂暗符瑞而臻太山者也楊慎曰管仲之言是謂無其應而事焉不可也應前

是

歲秦繆公內晉君夷吾其後三置晉國之君平其亂

案三置晉君案

謂惠公懷公文公也

繆公立三十九年而卒其後百有餘年而孔子論述

六藝傳略言易姓而王封泰山禪乎梁父者七十餘王矣

考題梁玉繩曰秦繆公卒後至孔子論述六經幾百四十年而孔子又安得有易姓封禪之言哉託諸孔子猶之嫁名管仲也

其俎豆之禮不

章蓋難言之

考題與上文封禪遠者千有餘載近者數百載其儀闕然湮滅下文上議封禪封禪用希曠絕莫知其儀相應

或問禘

之說孔子曰不知知禘之說其於天下也視其掌

集解孔安國曰爲魯諱